

BACTRIS Jacq.

Integrifolia. § *inermespatha.*

1. *Bactris ericetina.* — Stipite humili, crassitie pennæ anserinæ, inermi; frondibus indivisis, lanceolatis, bifidis; petiolo et rachide tomento fusco subrubro obsitis.

Hab. ad ripas ericetas superioris fluvii Jamundá. Floret in Septembri.

(Barb. Rod. hb. Palm. 353)

2. *B. microspatha.* — Stipite humili, erecto, inermi, oblecto vagina persistente aridarum frondium, sub quibus tomentum fuscum aperitur; frondibus pinnatis, foliolis alternis per tria paria, quorum extrema latiora et furcata; rachide capilliformi prolongata ultra angulum extremorum foliorum; spadice 5-6 contemporaneo, exaridis vaginis exeunte, bipartito, minutissimo (0^m,03), curvo; spathis inermibus.

Hab. ad margines argillosas fluvii Jamundá. Flores et fructus mihi ignoti.

(Barb. Rod. hb. Palm. 115)